

Ejames de ladin te Fascia

L'é temp enscin ai 2 de mèrz per se scriver ite ai ejames de ladin

Cultura - L'é ori i termins per portèr dant la domanes per la proa d'ejam per l'zertament de la cognoscenza del lengaz ladin: se cogn portèr ite la domana de amiscion dant da les 12 de en vender ai 2 de mèrz del 2018. I candidac cogn aer 17 egn compii e i pel fèr l'ejam de ogne livel, colun che sie l titol de studie.

La valutazion del livel de competenza vegn fata aldò del chèder de referiment european (QCER) racomanà dal Consei d'Europa: Livel A2 – profil profescionèl de categoria A; Livel B1 – cat. B de basa; Livel B2 – cat. B aut e C; Livel C1 – cat. D e insegnanc.

La domana pel vegnir consegnèda a man o manèda ite per fax o per posta racomanèda con avis de retorn (vèl la data del stempel de la posta), o posta eletronica zertificèda da na direzion PEC a la Comiscion per l'zertament de la cognoscenza del lengaz ladin, c.a. Loreta Florian c/o Servijes linguistics e culturèi del Comun general de Fascia, Strada di Pré de geja, 2 – 38036 Sèn Jan; fax: 0462.763046, pec.cgf@pec.

comungeneraldefascia.tn.it.

Te la domana cogn vegnir jontà ite l'rezepis de paament de la tassa per l'enscinuazion a l'ejam (€ 10,00 per l'ejam de livel A2, € 30,00 per i ejames de livel B1, B2, C1), da fèr sul cont de tesoreria del Comun general de Fascia, Cassa Centrale Banca, IBAN: IT95B0359901800000000134031.

No vegnarà tout dant la domanes portèdes dant dò dal termin scrit de sora. I students de la Scola Ladina de Fascia che se enscinua a la sescion resservèda a la Scola no cogn paèr ite la quota de enscinuazion. L test de l'avis e l formulèr per la domana i é ence sul sit del CGF: www.comungeneraldefascia.tn.it te "Avvisi e news". Sul sit del Comun general, su l'albo telematic, sui sic e albi di Comuns de Fascia e de la Scola (www.scuoladifassa.it "News – notizie dalla scuola"), vegnarà publicà dai 09.04.2018 la dates e i oraries di ejames di desvalives livie. Per informazions domanèr ai Servijes linguistics e culturèi del Comun general de Fascia, tel. 0462.762158, mail: cultura@comungeneraldefascia.tn.it